


B. N. C.
FIRENZE
1033
32



XII
GARD

7



X 11.

GAREN.

AD ILLVSTR. AC
REVERENDISS. VIRVM
IOAN. BAPT. CAMPEGIVM
Maioricensem Episcopum.

Oratio

*Qualaus, & summa totius Philosophia
utilitas celebratur.*

Gratia Iuuentutis, ad Philosophiæ studia alli-
ciendæ, & prouocandæ, edita

A B

Ioanne Garentio Gallo Turonensi.



BONONIÆ,
Apud Ioannem Rossium 1567.

De licentia RR.DD.Vic.Episc.& Inquisit.

Ex legato D. Equitij. Ambrosij. & Principis. 1033.32

ILL. AC REVERENDISS.
VIRO IOAN. BAPTISTAE
CAMPEGIO MAIORICENSI
EPISCOPO



Ioannes Garentius S. P. D.



A SEMPER apud priscos illos
mortales ualuit opinio, Praesul
dignissime, ut malorum, & cala-
mitatum, quae rempub. uexarent,
& opprimerent rationem, in su-
perorum offensorum iustam uin-
dictam reicerent: Hinc pestilen-
tiae in Graecorum exercitum grassantis causam, in Apol-
linis sacerdoti illatam iniuriam, Delphico oraculo reie-
ctam, scribit Homerus. Et Senonensis ille Brennus, ab ho-
minibus in Deos arma conuertens dum Delphici Apol-
linis delubrum diripit, repentino fulmine cum toto exercitu
pereussus, discerptusq. fuit. Sed missis prophans historiis,
similia nobis exempla suggerie sacra scriptura. Si enim
ex sacris Bibliis testimonium producere liceat, compe-
riemus profecto Israeliticum populum, si quando ab ani-

ta, & antiqua religione ad nouam deficeret, maximis calamitatibus fuisse affectum. Testis strages illa magna in deserto ob relictum antiquum Dei cultum edita: testis Roboamus qui paternæ impietatis pœnas luens, dum spreto maturo senum consilio, iuuenili aequiescit, maximus tribuum numerus ab eo ipso ad Ieroboamum defecit: locupletissimus testis ipse Ieroboamus, bonaq; pars, tum Iudæ, tum Israelis, Regum: qui cum spreto maiorum religione, peregrinas impietates admitterent, in maximas misérias inciderunt. Nec in solum populum suum præsecuto cultui nouum inducentem animaduertit ipse Deus: Verum etiam impietatem omnem, & sacrilegium à quouis perpetratum iuste ulciscitur, tarditatemq; ultionis, seramq; uindictam pœnæ seueritate compensat. Hinc Antiochus, & Pompeius polluto, & spoliato Dei optimi maximi templo, dignas sacrilegii pœnas luerunt, qui cum ante perpetratum sacrilegium nobilissimas uictorias crebro reportarent, eo admissso aduersissimum Martem experti sunt. At uerò contra quam bellè, & feliciter res humane sese habeant ob persoluta superis iusta supplicia, & seruatum mutue inter homines amicitie uinculum, amicis, & fauentibus, ab usdem exempla repeti possunt. Quid enim felicius Israelitico populo quamdiu maiorum uestigius hæsit? Quid illo beatus collum à seuerissimo Aegypto iugo, sol ueniente? Quid mirabilius illo, mare uiam patefaciens, sicco pede

pede peragrante? Quid illo fortius contra Gigantes, terram sibi à Deo promissam occupantes, pugnante? Si quidem eos tanquam miculiferos ardetes partim trucidarunt, partim fugarunt. Quis fortunatior Davide, ex abiecto, & humili pastore, in Regem magnum assumpto? Quem & ipse Deus ob pietatem, & maiorem religionem sincere obseruatam primogenitum posuit, & excelsum præ Regibus terræ. Vt planè uerū esse deprehendatur Balām uaticinium: qui Dei populum tandem uelut felicem, & inuictum futurum prædicebat, quamdiu antiquum religionis ritum obseruasset: Contra uero aduersum Martem, miseramq; seruitutem experturū, si quando ab eo recessisset. Hac quidem ratione, in quantas ærumnas, & calamitates adductam Rempub. Christianam nostra ætas uiderit, nemo sanè piæ mentis sine lachrimis effari queat: si quidem heresis tanto, tamq; subito impetu uisa est sese extulisse, ut totum penè orbem Christianum uideretur inuasura. Sed ueluti aura illa, principio quidem nimis, & leuissima, in tantam procellam, & tempestatem accreuit: Ita in sua principia Dei numine redigendam, & resoluendam spe minime frustratura expectamus. Sic enim cum populo castigato, & emendato agere solita est diuina Clementia, ut flagrum, & instrumentum, quo ad ipsam emendandum usa est, perdat, & igne absumendum deiiciat. Quod sanè polliceri se breui effecturam diuinam bonitatem præsentimus:

sentimus: Suscitato præsertim summo Pontifice tam pio,
& sancto: Cuius sanctimoniam reliqui pastores, & ipse
populus Christianus, tanquam speculum, & exemplar
imitandum sibi proponentes: Id summa ope nituntur ef-
ficere, ut iam tales mores populus imbibisse uideatur, qua-
les in summo Principe, & pastore splendere, & præluce-
re animaduertit. Sed permultæ sunt hæreseon causæ: Aus-
enim Deo ob flagitia nostra in iram prouocato, oriuntur,
aut certè ad probationem electorum: Ita ut in tanta opi-
nionum uarietate constantissima electorum fides, non se-
cus, ac inter saxa, & uepres gemma, aut tanquam lampas
lucida, & micans in tanta tenebrarum obscuritate, appa-
reat, perseueret, & confirmetur. Verùm hæreticorum
conuincendorum (si modo deposita contumacia, & obsti-
natione, ratione secum agi patiantur) modus, & ratio
optima mihi uidetur esse Philosophia: cum præsertim hæ-
reticorum turbam, populum simplicem, & credulum,
prauè intellectis sacræ scripturæ locis, in errorem indu-
centem, ut plurimum artes mechanicas, & illiberales exer-
cuisse, nec labris quidem tenuis liberales disciplinas degu-
stasse uideamus: quorum quidem os amaritudine, & do-
lor plenum est, sub labris eorum labor, & dolor; sepul-
chrum patens guttur eorum, linguis suis dolosè agentes,
quorum dextera, dextera est iniquitatis. Qua ratione
adductus sum, ut iuuenis, iuuenibus oratiuncula persua-
dere

dere conatus sum, quò Philosophia studia diligentius com-
plectantur: si ueram, perfectamq; sublimiorum scien-
tiarum assequi cupiant cognitionem. Quam etiam, Anti-
stes optime fulgentissimo nominis tui splendore fulciendam
in lucem erigere. Vale. our. Bononiæ. iii. Calen. Octob.

MDLXVII.

AD LECTOREM.

Phæbeam quisquis profiteri percipit artem:

Aut linguam quisquis litibus exacuit.

Quisquis Pontificum summorum iura capeſſit:

Ponere qui ſumit Biblia ſacra ſibi.

Socraticis animo, chartis imponat habenas,

Pallada ſyncero pectore ut excipiat.

(Pectus enim purum ſubeat niſi diua Atynerna,

Ipſa ſolet nequam, reddere deterius)

Zenoniſq; artem falſo ne decipiatur,

Atque ſophyſtarum uocibus ambiguſ.

Atiraq; nature, & rerum primordia noſcat,

Longis temporibus, quæ reperere Sophi.

Sternit enim, partes in tres diuiſa, fidelem,

Ad ſummas artes, Philoſophia, uiam.

Ergo machaoniam quisquis ſibi uendicat artem

Hac ſine, dicatur nomine carniſicis.

Hac ſine cauſidicus fur, rabula, prædo uocetur,

Fit bona cauſa, leui praua patrocinio.

Hac ſine dicatur totoq; theologus æuo

Diſcere, ſed ueri notio quem fugiat.

IOANNIS GARENTII
GALLI TVRONENSIS

ORATIO.

*Qua laus, & summa totius Philosophiæ
utilitas celebratur.*



V. M. varia sint, ac propemo-
dum innumera hominum stu-
dia. (N.) si quidem & Cro-
toniates Olympicum affectat
oleastrum, Atheniensis victo-
ria navali, Lacedæmonius pe-
destri delectatur, Cretensis
studium in venationibus ver-
satur, Sybaritarum in voluptatum affluentia, The-
banorum in tibiis, Ionum in choris, avarus ad hæc ap-
petit aurum: hominis sanè sit stupidi, ex omnibus nul-
lius rei desiderio tangi, & commoveri. Ita quemque
necesse est ad earum rerum studia sese conferre, quæ
runt dulcedine, admiratione, vel felicitate movean-
tur, & adducatur. Quo quidem in negotio, quàm plu-
rimos malis, ad imaginem boni personatis, labi, errare
re, decipi; quis non videt? Singulorum enim vnum
quemque si percontaris: quânam causa certamine
gaudeat, mercimoniis delectetur, diuitias comparat,

venationibus exerceatur, huiusmodi colat. Vel si iu-
sum perconteris Sardanapalum, illum (inquam)
laeuigato torpore, putribus oculis, plexa caelare, de-
fossam in purpuram, in regiam penitus abditum, pel-
licibus pernixtum, responsum opinor se foelici-
tatis alicuius sectatorem. Nam & Xerxes umbratilis
quidem, fucataque beatitudinis tantus adamator
exitit, ut pro una ipsa, cum Ioue contendisse videat-
ur: Is enim adeo tenere se eam arbitrabatur, ut Eu-
ropam cum Asia nauibus ad pontis similitudinem
contabulatis, coniungeret: Et Neptunus ille, apud
Homerum Ioui exequatur, ab uno tantum hoc rege
(quantum ipse opinabatur) & plagas acccepit, &
vinculis constrictus est. Homerum etiam audimus
extollentem Aeacidas, quod bello æquè, ac conui-
uiuo oblectarentur. At, quid ingratius bello? Et ta-
men tam parum grata res, haud abiectos amatores
adinuenit. Qualis Philippus ille, post progenito-
res Aeacidas, qui cum Macedonica re contentus es-
se posset, cupiditatum satietatem aliunde explere cu-
piebat. Quamobrem Triballis bellum intulit, Illyrios
inuasit, Bizantium expugnauit, Olynthum euerxit,
sefellit Athenienses, cum Thessalis foedera percus-
sit, Thebanis inducias dedit: peierabat, mentiebatur,
mutilabatur. Nihil enim Philippus alienum à se, nec
uerbum, nec opus, nec dedecus, nec infamiam fece-
rat: Veruntamen miserissimam illam beatitudinem
tam vehemens eius sectator nequaquam videtur cō-
prehendisse: Et tamen ipsum talis beatitudo stimu-
lauit. Quin & Alexander eius filius multa salute Eu-
ropæ

topæ dicta, traiecit in Asiam, beatitudinem forte f
 spicatus, Sardibus, in ramentis aureis latere: vel in
 Caria, inter Mausoli thesauros, vel in Babyloniorū
 ædificiis, Phœnicum portubus, littoribus Aegyptiis,
 aut etiam Ammoniorum arenis obrutam esse; Cui
 nec satis fuit Darii fuga, non subacta Aegyptus, non
 Babylon capta, nisi etiam cum exercitu in Indiam
 excurreret. Quonam quæso potius, quàm in foelici-
 tatem nescio quam, tot stultorum laborum, manūq;
 causam rogatus referat? Sed missis regibus, ac dy-
 nastis, priuata res, his erroribus haud carere cernun-
 tur. Vbiq; rerum enim mortales uidere est, ad ean-
 dem euentitām foelicitatem procurrere, atq; adeo
 hunc terrestribus, illum mariculis negotiis implici-
 tum esse, hunc rebus bellicis, illum rixis, & scurrili-
 tatibus studium impendere, hos latrocinia exercere,
 illos aliis modis ceteros homines lacerare. Quotus-
 quisque enim horum est qui non plenam erroris, ac
 periculi uiam ingrediatur? Quique vel potius an-
 fractibus, confractisq; locis, quasi suspensi ince-
 dunt, ut commiserationem intuentium maximè mo-
 ueant. Iners uerò, & dissoluta multitudo, nec ipsa fal-
 sa beatitudinis spem abiecit. Nam & adulatoribus
 negotium adimas, qui quibus coniunctissimè uiuunt,
 eorum cupiditatibus indulgent. Et scurris, quorum
 negotium est, admirationem, & risum excitare. Mon-
 strosorum præterea artificibus, in diuersas partes, &
 effigies corpus sibi ipsi distorquentibus, atque in se-
 ætentibus, quamuis conclamata beatitudinis spe, at-
 tes licet abiectissimas nunquam possis auferre. Per-

tur Babylonem profectus vir Ionicus ad egerum ma-
gnum, artem ostensurus operis egregij, offulas
videlicet paruas, rotundasque in eum elaboratas
vsum, tam cetero icu contra mucronem acus ex di-
stanti loco iaciebas, ut nunquam à collimando aber-
raret; nec se deterioiorem ob eam collimationem exi-
stimabat, quam Achilles ob animi magnitudinem;
rei que bellicæ peritiam. In Lybia vir fuit nomine
Psaphon, beatitudinis, & ipse adulator, minimè her-
cle humilis, quotidianæque huius, sed qua Deus concu-
pisceret haberi. Capiens itaque aures, ex vocalium
numero complures, has quidam edocuit, hæcque
ba conari. Magnus Deus Psaphon, neque ita edoctas
demisit in montes; quarum vocibus, cum alia mul-
ta assueissent, tam primæ illæ, quam demissarum
discipula, Psaphonis diuinitatem celebrabant. Cre-
ditumque à Lybicis est, diuinam hanc vocem esse;
proptereaque Psaphoni, veluti Deo, sacrificabant.
Sicque Psaphon, cõmilitis auium Lybicus creatus est
Deus, illique sana, & diuini honores decreti. Nihil o-
profecto inferior artifex eo, qui non prius à Pexis
adoratus est, quam ipsum sextis equi suffragium ad
regnum euexisset. Sic itaque res humanæ sese ha-
bent; ut inter se prope dissentiant omnes; tamen si
cunctos mortales communis quidam amor, ac deli-
derium exerceat boni. Veruntamen tam multis, va-
riisq; itineribus ad ipsum contendunt; ut propter di-
uersitatem studiorum, negotiorumque nunquam
idem satum, paremq; fortunam sortiantur. Et quam-
uis simul omnes communiter bonum appetere vi-
deantur

turæ mortalis fines prætergrediendo, in Deorum
immortalium cœtum possit homines conuocare. Vn-
de scientiarum tot, tantæque decantationes, & enco-
mia prodierunt, quibus hominum nemo extitit, qui
eas artes, & disciplinas, in quibus acquirendis ali-
quod vitæ tempus consumpsisset, ingeniique vires
exacuisset, non minus elaboratis, quàm copiosis ser-
monibus, reliquis anteponeere conatus sit, vel supra
cœlos ipsos ex tollere. Ego verò cùm aliorum exem-
plo adductus, tùm etiam, ne prorsus officio deesse
viderer, scientiæ, in cuius studiis aliquot annos con-
sumpsi, encomium, ieiunum illud quidem, & ex ino-
pi, turbido, inferiorique haustum fonticulo profe-
ram. Nunc verò cùm de Philosophia sim dicturus,
qualem ipse me faciam? aut cuiusmodi verborum
me elegantia muniero? aut vnde satis claras appel-
lationes comparabo? Quam præterea electi cantus
concinnem harmoniam, vt aut ipse mihi, aut aliis
ostendere valeam quod quaeritur? Si enim quò quisque
est eloquens, eò sibi indignus videatur, qui Philoso-
phiæ iustum persoluat encomium, frustra id dicere
aggrediatur is, qui angusto vitatur ingenio. Nisi for-
te cuiuspiam vehementer sitienti, præsentemque ha-
benti lymphidum amnem, qui copiosus aquis simul
delectaret aspectum, simul commodè præberet po-
tum, foecundissimeque nutrirer, nos alicunde ex ino-
pi fonte, cæterisque inferiori haurientes, sufficientem
potum adferre posse arbitremur. Philosophiæ enim
maximi nominis, summæque eruditionis Philosophi,
tot libris, & voluminibus summa arte compositis ce-
lebrarunt

lebrarunt, vt qui encomia meliora desideret, pu-
 tetque in illis micantem Philosophiæ laudem, &
 splendorem exilem admodum esse, minimeque cla-
 rum: hic nunquam profectò aut exorientem solem,
 aut refudgentem lunam, aut hesperum occidentem,
 aut luciferum præuenientem aspexerit. Et quidem
 cum triplex sit philosophandi ratio: vna de vita, &
 moribus, altera de natura, & rebus occultis, tertia de
 differendo, & quid verum, quid falsum, quid rectum
 in oratione, quid prauum, quid consentiens, quid re-
 pugnet iudicando: Nulla profectò harum summa
 laude vacat: quod vt liquidò cognosci quæat, ab
 æthice dicendi sumemus exordium. Nam cum tota
 ipsa Philosophia frugifera sit, & perutilis, nec vlla
 eius pars inculta, desertaque iaceat: tum nullus in ea
 feracior locus est, nec vberior, quàm de officiis, à
 quibus honestè viuendi præcepta ducuntur. Quæ
 Philosophiæ pars, nihil aliud est quàm inuentum, &
 donum Deorum: cum præsertim diuinam bonita-
 tem mentibus humanis, singulari quadam claritate
 cernamus illuxisse: vt disciplinas emitterent, quæ vi-
 tam nostram cum priuatam, tum publicam, diuino-
 rum conformi quadam bonitate formarent. Etenim
 anima hominis, secundum primariam ipsius diuisio-
 nem, cum bifariam diuidatur, harum altera pars ra-
 tio, altera affectio dicitur. Quarum vna, cum nequi-
 ter sese habeat, atque inordinatè moueatur, vnc
 mul, ac turpissimo nomine vitium dicitur: fixque, vt
 ex harum alterius æstu, ac fluxu turpitudinis fontes,
 ac geniturae oriantur. Quotiescunque scilicet, con-
 tingit

tingit feruidas affectiones animum incendere, ac rationis stationibus, productionibusque calamitatem inferre. Nam quemadmodum accidit, ut subitis procel-
lis crescentes amnes legitimum excedant alucum, superque; vel segetes, vel plantarum culturam præcipites lati, rusticorum operum salutem, atque ornamentum evertant: sic animus nimia affectionum vi, à re-
ctis ratiocinationibus depulsus, falsis nimirum, atque improbis opinionibus, præter naturam propriam surgentibus, corrumpitur. vel si placet, improbitatem animi inconditæ plebis assimilabimus imperio, quod quidem fit, quotiescunque in ciuitate probitas vitæ, multitudo penitus licentiæ, atque audaciæ seruiat. Cui malo, omnis à Philosophia petenda est medicina: Nam cum in anima, permultis dicatur esse populus, idemque terribilis; is tamen si semel consensit, ac manum dederit legi, eiusque præcepta sectetur, in anima componit politiam imprimis optimam, quam Philosophiam homines appellant. Quam ob rem Philosophia accedens, legislatoris munere sus-
cepto, inordinatum, errabundumque animum, perinde ac plebem aliquam inconditam exornat. Quam Philosophia, nullum donum optabilius, nullum præstantius mortalium generi à Diis immortalibus concessum est. Quæ vitæ dux est tutissima, virtutum inda-
gatrix, expultrixque vitiorum: sine qua non modò nos, sed ne omnino vitæ hominum vlla esse potuisset. Urbes namque ipsa peperit, dissipatos homines in societatem vitæ conuocauit, legesque ad retinendam, conseruandamque, inter homines, facietatem con-

211

didit,

didit, & promulgauit. Quæ vitæ tranquillitatem largitur, & mortis terrorem tollit impudens. Quis quondam amore, & præstantia capti magni principes, & imperatores, deposito regni dignitatis fastigio, seu potius fastidio, se totos huic scientiæ tradiderunt, alteriusque imperij multo sanè latius patentis gubernaculum arripuerunt. De quibus Lyricus poeta.

III. Latius regnant auidum domando
 Spiritum, quàm si Lybiam remotis
 Gadibus iungant, & vterque poenus
 Seruiat illis.

Huic igitur deus nos excolendos, patiamurque nos sanari ab ea, si boni, beati que esse cupimus, omniaque adiumenta, & auxilia inde petamus bene, beatèque vivendi. Iam verò ad secundam Philosophiæ partem delabamur: quàm de rebus naturalibus, earumque causis esse diximus. In qua efferenda, vereor ne quis me onerosum arbitrum esse iudicet, qui physicæ huic disciplinæ secundas partes assignari. In hoc potius tantæ scientiæ attenuator, quàm æquum æstimatorem me præbens, qui ei scientiæ, quæ multorum iudicio, & calculis præcipuum, inter scientias locum obtinuit, aliam præstulerim. Enimvero Philosophiam animanti similem dicunt, ossibus, & nervis logicen, carnibus ethicen, animæ physicen conferentes. Siue rursus ouo: quippe superficiem logicen, sequentia ethicen, intima, & penitus abstracta physicen vocitantes, nec defuerunt, qui agro frugifero eam compararent, quippe circumiectam se-

perindogicè, fructum æthicè, huntum, ac arbores,
physicè dicerent. Nullam verò partem, reliquis
præferendam consent, sicut quidam eorum mixtas
arbitrantur, easque confusè, ac permixtè tradunt.
Et quidem physica, cum doceat naturam eorum,
quæ mundo continentur, illorumque virtutes, & ef-
fectus, soleatque à causis superioribus progressum
facere, ita ut singularum cognitio à primariis vniuer-
salibusque causis habeatur: sit vt nos per easdem cau-
sas ad cognitionem ipsius summi archetypi, omnium
opificis, & primæ causæ, à qua sunt somnia, & proce-
dunt omnia, deducat. Homo enim in medio theatri
vniuersitatis collocatus, ad Dei omnipotentis opera
spectanda, hæc ille diligenti animo intuens, & suspi-
ciens, non potest Deum, vt sibi parentem proposi-
tum, non reuereri, colere, & implorare, eiusque lau-
des, summam habens de infinitis beneficiis gratiam:
concelebrare. Quæ quidem cum ita sese habeant,
quis in tanto veritatis splendore, & luce cæcutiens,
non animaduertit plurimum momenti, ad Dei omni-
potentis plenam, perfectamque cognitionem, & ad
excitandos hominum erga diuinam providentiam,
animos physicam habere? Foelicitatem etiam non
mediocrem in physicæ cognitione antiqui scripto-
res posuerunt, eos sæpius foelices, & beatos dictitan-
tes, quibus rerum causas nosse contigisset. Natura
enim parens, & author omnium miras excitat volu-
ptates hominibus, qui causas rerum intelligunt, & eas
diligentius contemplantur. Quas rerum causas pri-
mi omnium Indi, Aegyptij, Arabesque post quos
Græci

Græci, nouissimeque nostri studiis laboriosissimis, summisque vigiliis inuestigarunt. Hinc rerum naturalium vsum, omnibus communem, multitudini etiā imperita permittit Tullius: Causas autem, earumque cognitionem solos sibi sapientes asserit reseruasse. Silentio prætermittam vsum, & vtilitatem, quàm corporibus humanis physica adfert disciplina: quorum morbos, eorumque causas sagacissimè discutit, cognitoque malo saluberrima solet remedia adhibere. Si quidem hæc maximarum, laudatissimarumque scientiarum veluti quædam est procreatrix. Inter quas cum theologia, tum medicina, tanquam Pallas ex Iouis cerebro, ex hac ipsa sola procreatur. Physicam igitur disciplinam ad eruditionem absolutam omnino esse necessariam nemo sanè possit debeatue dubitare. In quo nunquam satis laudari potest theologorum, medicorumque summa prudentia, grauissimumque iudicium, qui quod Plato, & Stoici verbo proferebant, ab initio institutæ academix, re ipsa diligentissimè obseruarunt, ne quem videlicet ad superiores gradus admitterent, nisi qui ingenium in physicis haberet exercitatum. Theologi quorum officium est diuina interpretari, aduersarios fidei catholicæ reuincere, ab errantes in rectam viam reuocare, progressos confirmare, cessantes incitare, verè arbitrati sunt ad hoc munus non esse idoneum, nisi qui prius non solum dialecticam, sed potissimum etiā naturalem Philosophiam didicisset. Medici quoque eadem ratione ducti, in tanta varietate rerum, crediderunt non posse quæquam inoffenso pede disciplinam medendi

perdiscere, nisi præcognita physica disciplina. Quia
 si de vita sat scieris, huius exiguae pulchritudinis so-
 mitem penitus extinxiseris, quæ scilicet spirat, quæ vi-
 talis est, quæque sola veram rerum proprietatem, or-
 dinationemque intelligit: veluti de præpæ corpore
 anima vitam omnino perdidideris, de præpæ sole de
 die, extinxiseris diem. Tertiâque huius nostræ instituti
 partem paucis expediamus, quam de differendo, ve-
 rumque à falso se cernendo esse diximus, quæque pa-
 ri dignitate, splendore, & gloria, cum superioribus
 sumptimus exornandam. Cum præsertim Philoso-
 phorum præstantissimorum testimoniis, maximæ, ne-
 cessariæque sint, eius ad iustinendam, vindicandamque
 veritatemque adiumenta. Ex quibus Stoicorum de
 dialectica iudicium huc proferam, qui quidem de ea
 dem tam magnificè iudicarunt, ut maximè asseuera-
 rint solos dialecticos sapientes esse, rerumque om-
 nium cognitionem, per eam, quæ in verbis est, specu-
 lationem haberi, quæque ad naturam pertinent, quæque
 rursum ad mores, logicæ egere adminiculo. Vt re-
 cussimè Aristippus, eos, qui aliis imbuti disciplinis, di-
 ligenter disserendi artem neglexissent, Penelopes di-
 ceret prociis esse simillimos. Illos enim & Melantho,
 & Polydoram ancillas, cunctaque potius habere,
 quàm dominæ ipsius nuptias spectare potuisse. Quod
 probè animaduertens diuinus Plato, sancientiam
 esse legem duxit, quæ ei potissimum disciplinæ, qui di-
 scunt, incumbere iubeantur, ex quâ, ad interrogan-
 dum, & respondendum, ut scientes decet, aptissimi
 sint: quæ ars nulla sanè alia est quàm dialectica, quæ
 doctrinis

Quæ Metha-
 physica, pro-
 pria sunt hic
 passim diale-
 cticæ attribuit
 propter mu-
 tuam utriusque
 cōueniētiā.
 Vtræque enim
 circa ens, &
 eius ptes ver-
 satæ, quæuis
 sit diuersa ra-
 tio.

et in se totum suum usqueque apex præponitur, nul-
 laque doct. in auct. eminentior reperitur, aut ad alia
 iam scientiarum perfectionem commodior, & uti-
 lior. Ipsa etiam solutionem præbet à vinculis igno-
 rantiae & animum ex umbra in lucem, ex antro in
 arcem producit, quapropter & à stoicis inter vire-
 tes collocatur. Per ipsam enim docemur, ne cui falsò
 assentiamus, neque unquam captiosa probabilitate
 fallamur, eaque quæ de bonis, & malis diceremus,
 tenere, tuerique possimus. Nam sine hac arte, quom-
 ovis arbitrantur, a vero abduci, fallique posse. Recte
 igitur, si in omnibus rebus temeritas, ignoratioque
 vitiosa est, dialectica virtus appellabitur, quæ ab illis
 animum liberet. Cuius inveniendæ hæc potissima
 fuit ratio, quòd cum Philosophi grauib, arduisq;
 in rebus operam, studiumque collocarent, & in phy-
 sicis speculationem adhiberent, in moralibus vero
 actionem: necessarium fuit, vel in naturali, vel mora-
 lium actionum speculatione, ut certa ratio, tum quòd
 in rebus speculandum esset, inueniret, tum quòd in
 actum viuendi duci oporteret, antè perpenderet.
 Quæ ratio nisi certa via, & methodo progrediatur,
 frequentius in multos errores elabatur necesse est.
 Quod ne fieret, atque ut certa disputandi peritia, &
 methodo earum scientiarum professio haberetur, iu-
 dicarunt antiquæ Philosophiæ principes, ut ipsarum
 ratiocinationum, quibus aliquid inquirendum esset,
 naturam penitus discuterent, ut his in certum ordi-
 nem reductis, & purgatis, in speculatione veritatis, &
 virtutum exercitio viteremur. Eadem dialectica,
 cum

cum ad reliquas disciplinas dicatur respondere ner-
uis, & ossibus, vel etiam sepimento, fit ut iisdem disci-
plinis vires, & tuitionem adferre iudicetur. Quem-
admodum enim sublatis ex animante ossibus, & ner-
uis omne robur tolli necesse est: ita ceteras disci-
plinas sine dialectica, tanquam amisso robore, cerni-
mus penitus collapsuras: Rursus etiam quemadmo-
dum frustra fundum possidemus, aramus, & colimus,
nisi septo noxiæ belluæ arceantur: ita reliquæ artes
ex se ipsis non habent quò se tueantur, si dialecticæ
vallo sint destitutæ. Iam verò nec parum momenti,
ad nostrum institutum confirmandum asferet dial-
cticæ ad reliquas disciplinas efformandas, & perfi-
ciendas usus, & vis efficacissima. Nam cum omnium
Philosophorum summo consensu, illud summum,
perfectissimumque sit, quod aliis formam, & perfe-
ctionem causat, & impartitur quanti æstimanda dia-
lecticæ vis est, & facultas, quæ omnibus ferme scien-
tiis perfectionem, tanquam summam manum adfer-
re iudicatur? Rogetur Plato, cuius artis adminiculo
alta, & diuinæ intelligendi, & loquendi compos eua-
serit? Respondeat profectus eius artis beneficio, quæ
diuisionum, collectionum, definitionumque præce-
pta tradit, talem euasisse, eorumque quicquid artem
queunt profiteri, nempe dialecticorum, à tergo, tan-
quam Dei vestigia secutum. Ipse enim Socraticæ di-
sciplinæ, & subtilitati, adiiciens rerum naturalium, di-
uinarumque peritiam, subiungensque formæ em-
illarum, iudicemque dialecticam, quæ aut ipsa esset
sapientia, aut sine qua sapientia esse nullo modo pos-
set,

set, perfectam dicitur Philosophiæ composuisse disciplinam. Quid orator Tullius? ubiq; fatetur, se tantum oratorem, non ex Rhetorum officinis, sed ex academix spatiis extitisse, omniumque laudatarum artium procreatricem quandam, & quasi parentem ab hominibus doctissimis iudicari dialecticam. Omnia enim, quæ nunc artibus sunt conclusa, dispersa quondam, & dissipata fuerunt; ut in musicis numeri, voces, & modi: in geometria lineamenta, formæ, interualla, magnitudines: in astrologia cæli conuersio, ortus, obitus, motusq; syderum: in grammaticis poetarum pertractatio, hystoriarum cognitio, verborum interpretatio, pronuntiandi quidam sonus: quarum quidem artium inuentionem, & procreationem potissimum sibi vendicat dialectica: quæ eas dissolutas, conuulsasq; conglutinet, & ratione quadam constringat. Neminem præterea eloquentiæ, & iuris ciuilis artem fuisse assecutum, testatur idem oratorum princeps Tullius, nisi qui eam didicisset artem, quæ docet rem vniuersam distribuere in partes, latentem explicare definiendo, obscuram explanare interpretando, homonyma, & ambigua primum cernere, tum demum distinguere, postremò methodum, & regulam habere, quæ vera à falsis iudicentur, & quæ quibusdam positis consequantur, quæque minimè: quæ quidem ars illius ipsius iudicio, omnium maxima, & quasi lux ad ea, quæ confusè ab aliis respõdebantur, aut agebantur, habenda est. Ipse etiam Pericles (cuius famosæ eloquentiæ incredibilem quandam virtutem, tum hystorici scriptores, tum liberrimum hominum

minum genus comici veteres tribuunt) in dialecticis ab Anaxagora fertur eruditus: Ideoque ipsum dicunt ceteris praestitisse oratoribus, quod tanti Philosophi fuerit auditor: à quo censent eum, cum alia praeclara quaedam didicisset, vberem, & facundum fuisse, gnarumque (quod eloquentiae maximum est) quibus orationis modis, quaque animorum partes pellerentur. Demostenem quoque omnium Graeciae oratorum principem constat Platonis fuisse auditorem. Habuit & ipse Tullius suum, in dialecticis praecceptorem Diodorum stoicum, à quo, cum in aliis rebus, tum studiosissime in dialectica exercebatur, sine qua eloquentiam (quam passim dialecticam dilatatam appellat) fatetur nunquam se consequi potuisse. Magnae enim quaelibet artes dialectica indigent exercitatione, ipsaque mentis sublimitas, & vis efficax in qualibet re perficienda, hinc quodammodo proficisci videtur. Quis enim nisi dialectices munitus praesidio, & armis, vel ullius artis principia, causasque norit? Quis de aliqua re verba sine errore facturus est, nisi ante omnia definitione, & certis terminis circumclusam rei notitiam dialectica directissime perciperit? nisi quae rerum genera, quae species, quae differentiae, quae accidentia unamquamque rem consequantur, & quid coniunctum, quid separatum, quid affine, quid repugnans sit, animo comprehendat? Quae quidem omnia, primum per decem praedicamentorum genera latissime explicat dialectica, deinde enunciationum naturam adiungit, argumentandi formas praescribit. Praeterea siue quaestio incidat de natura rerum, siue de

de moribus, siue de differendi ratione ad omnem
 quæstionem propositam idonea argumenta reperi-
 di methodum explicat: vt nihil sit neq; in cœlo; neq;
 in mari, neq; in terra ad quod dialecticæ munus nō
 pertingat. Et cum tanta sit rerum inter se diuersitas,
 & similitudo, vt etiam sapientem sæpe fallant; nisi
 quis è dialecticis percœperit diuidendi, seu partien-
 di rationem, ad veritatem ipsam vix vnquam pote-
 rit pertingere. Ac cum ratiocinationibus semper ali-
 quid colligatur, & sine argumentatione, nullius rei
 haberi possit scientia, nec veritas exactè cognosci: pa-
 lam est eos, qui hanc methodum non ingrediuntur,
 nunquam ad veram perfectamq; alicuius disciplinæ
 cognitionem posse peruenire. Quod quidem in du-
 bitationem nequaquam debet reuocari: Cum om-
 nes disciplinæ adminiculo, & ope dialectices sint in-
 uentæ, ipsaq; ad omnium disciplinarum principia ha-
 beat viam: ac ne potuerit quidā fieri, vt vlla esset ars,
 nisi quæ per dialecticam in ordinem, & formam esset
 redacta. Nihil est enim quod ad artem redigi possit,
 nisi ille prius qui illa tenet, quorum artem insituere
 vult, habeat illam scientiam, vt ex iis rebus, quarum
 ars nondum sit, artem efficere possit. Quocirca, ieiun-
 nē, & crassiore Mynerua Philosophiæ absolutā com-
 mendatione, hoc vnum adhortandi occurrunt ado-
 lescentes, vt aduersus laborem, qui in primo libera-
 lium artium aggressu, maximè autem in ipso dial-
 ectices primo limine sese offerre, & ostentare solet, in-
 fringat, inuictosq; animos, ac laboris patientes ge-
 rant. Par est enim eos summa opē niti, qui res ma-
 gnas

gnas magnopereq; expetendâs concupiverunt: ne la-
bore forsan; aut principiorum difficultate deterri-
ti, à capessendis optimarum artium studiis vlla possint
ratione reuocari: Si enim tot periculis, & laboribus
per mare, per terras, perque æstiuos calores perfer-
runt sese exponunt mercatores, vt pauperiem pro-
cul à se faciant; opesq; bona fortunæ caduca, & in-
constantia accumulent: Qua animi alacritate vti de-
bent; vt innatam mortalibus omnibus ignorantiam
strenuè à se amoueant, & æsp. opes comparent, quæ
cum in haufragio que ut enatare, possessorémq; suum
nullius rei indigum conseruare. Quibus quidem re-
bus qui præditi sunt; soli sunt diuites, soli res precio-
sissimas, sempiternasq; possident. Quarum etiam re-
rum possessione, Bias ille Prienensis philosophus, &
princeps, vnus de numero septem Græciæ sapien-
tium; Cræso Lydorum rege, multò exstitit beator.
Capta enim patria omnia sua secum portauit: animi
enim bona non amisit. At Croesus qui in externis re-
bus foelicitatem collocauit; vt in Ciri potestatem
amisso regno fuit redactus, nihil sibi putauit superes-
se, foelicitatem enim in fortunæ ludibris, non in ani-
mi bonis reponēbat: quæ philosophus pro nihilo du-
cens, suis opibus, quas animo circumferebat, se verè
locupletem existimauit: quibus saluis, reliquarum
rerum iactura, tanquam alienarum, nihil commoue-
batur. Virum etiam canis tricipitis debellatorem legi-
mus nullum subterfugisse laborem, vt viribus corpo-
ris, cæteris antecellere diceretur, præstantisq; pugil-
litoris nomen, & deus sibi compararet. At multò sa-
nè

AD DOMINUM, ET PATREM.
& Meccenatem suum Do. Benjamin de Garence
fori Negotiatorum Turonensem nuper à
Rege constituti primum iudicem, & mox
Pauillonij, & Duranderiz
Dominum.

¶

Quid doctis veller, quondam rogatus, Athenis,
Extorris factus, scribere, Diogenes.
Hortor Cæcropidas (inquit) bona querere natis,
Fortuna uaria non peritura manu.
At quæ sint illis, tantò maiora putanda,
Quantò mens uegeto corpore dignior est.
Ac quibus instructus, sapiens, princepsq; Priens
Vel magno Cræso diuor est habitus.
Nam Cyrus Cræsum, regno ut spoliauit auito,
Ingemuit Cræsus nil superesse sibi.
Sed secum Bias, auro, tulit omnia, lecto,
Præmonitus flammis, ut sua præriperet.
His, quia non expers adeo curaris, essem:
His, digno patris nomine dignus ut ades.

Ad Eundem.

Quàm benefactorum sit turpis obliuio noui,
 Quæ simul humanis, ac odiosa Deo est.
 Illius ut labem euitem, dum totus anhelō:
 Quid do, quod memorem me queat arguere.
 Ne precium spectes, quæ possum munera pendo:
 Exiguum donum, sed memor est animus.
 Tanto, immortales grates tibi soluo futuras,
 Quanto durabit, tempore chârta breuis.

Ad Eundem.

Margaridi matri (memorem quia præcipis esse)
 Has soluo grates, gaudeat ipsa Deo.

F I N I S.

Z
 1033.32

...
 ...
 ...
 ...
 ...
 ...



1033.32







